



## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

XI priores dies complectens

**Bolland, Johannes**

**Parisiis et Romae, 1863**

Sancto Sanctorum Jesu Christo Pontifici Æterno, Ejusque Inter Mortales  
Vicario Urbano VIII, Romano Pontifici.

---

[urn:nbn:de:hbz:466:1-72708](https://nbn-resolving.org/urn:nbn:de:hbz:466:1-72708)

SANCTO SANCTORUM  
JESU CHRISTO

PONTIFICI AETERNO,

EJUSQUE INTER MORTALES VICARIO

URBANO VIII, ROMANO PONTIFICI.

**O**mnis a te, *Jesu Christe*, principium duxit *Sanctitas*. Tu gratiam olim ab aeterno Patre promeritus miseris mortalibus es : Tu eam ipsis cumulate largiris in dies; quæque illa, Tuo itidem adminiculante favore, velut maturos fructus, benefacta progignit, sempiterna gloria magnificentissime muneraris. Tibi igitur offero dicoque lucubrationes de *Sanctis* meas. Tua sunt, quæ prædico, Tuorum decora : Tua victoria, quam celebros. Laborem secunda, auspiciato, ceptum, quia Tuo nutu; impositum nempe ab iis qui vicem Tuam meæ moderantur vitæ rationibus. Da, ut quæ capere ingenii mei imbecillitas non potuit, coram aliquando contempler, et cœtibus immistus *Sanctorum*, æternas Tibi laudes decantem. Unam hanc opto precorque laboris ac studii mercedem : utque priscorum exempla quamplurimi, Tua gratia animati, imitentur; hisce nunc, quæ profero, illorum provocati tropæis. Sperabo eventurum feliciter utrumque, si Vicario tuo *Urbano* sensero laborem probari meum.

Fave *Urbane optime maxime*. Cujus enim *principium in die virtutis suæ in splendoribus Sanctorum, is statuit tibi testamentum pacis, Principem Sanctorum, et gentis tuæ, ut sit tibi sacerdotii dignitas in æternum*. Is Te terris *sanctitatis* arbitrum dedit. Nihil esse, quod Tu repudiaris, *sanctum* voluit. Quos ipse concilio *Sanctorum* adlegerit, ceteros tamen celat mortales, nisi id Tu, Divinæ interpret cortinæ, enunties. Uni Tibi *Sanctorum* patent arcana : Tu mores eorum, Tu facta et dicta, censoria potestate dijudicas : Tu illis triumphos, Tu anniversarias panegyres decernis.

Annue igitur *Urbane sanctissime* : et quando is, qui Te Divini juris et mysticæ suæ in terris dominationis Vicarium dedit, ita mundum universum regit ac gubernat, ut ad minimum etiam homuncionem, imo frondem ab arbore defluentem, raptamve vento paleam aut pulvisculum, vultus, cogitationes, providentiam referat suam; Tu inter augustas, quibus Ecclesiam omnibus late terris sparsam administras, curas, hoc, copiosa quidem mole fusum, sed pretio exile, quod venerabundus ad sanctissimos pedes Tuos depono, opus, vel aspectu unico dignare, sed benigno illo, quo tetram in interitum ruentis ævi tempestatem componis.

Id Te *Sancti* ipsi quodammodo rogant, ut quorum legitimum cultum, sacris sapientissime ordinatis, firmasti; quorum corpora, diuturna oblivione, altius quam tumulo, defossa,

defossa, protulisti, ornasti, venerationi publicæ exposuisti; eorum res gestas, e tenebris longoque situ, etsi non quo par erat nitore, prolatas, propitia Tua illa (cujus vel omen in nomine est Tuo) benignitate suscipias. Ipsos vicissim precor *Sanctos*, ut Te, et, quam regis, Ecclesiam universam, favore atque ope cælesti fulciant ac sustentent : utque *gloria sanctitatis*, serenato rursus cælo irradiet, Tuique temporis jucundissimam recollectionem memoriæ posteriorum consecret sempiternæ. Id supplex iterum et sæpius voveo, æternum

*Majestatis divinæ Tuæ Jesu Christe,*

Tuæque super-humanæ Urbane pater sanctissime

*devotissimus cliens,*

**JOANNES BOLLANDUS.**

*[Faint, illegible text, likely bleed-through from the reverse side of the page.]*